

<p style="text-align: center;"><b>ENTITATE SOZIOKULTURALEKIN ELKARLANERAKO 2012KO LAGUNTZEN DEIALDIA</b></p>
--

Barañaingo Udalak, Kultura Arloaren bidez, ondoko deialdia ezarri du, herriko entitate soziokulturalek bertako ospakizun, festa, jai eta jardueretan parte hartzea sustatzearren. **Deialdiak 40.000 €, gehienez, eskaintzen ditu**, ondoko oinarriei jarraiki:

### **1.- XEDEA**

Deialdi publiko honek publizitate, konkurrentzia, objektibotasun eta berdintasun eta bereizkeriarik eza, gardentasun, eraginkortasun eta efizientzia printzipioak ditu oinarri, eta haren xedea da arautzea 2012. urterako Barañaingo Udalaren –Kultura Arloaren bidez– eta herriko entitate soziokulturalen artean sinatuko diren laguntzen araubidea. Deialdi honen baitan bakarrik Udalak antolatutako ekitaldietan parte hartzea -ez antolatzea- lagunduko da, Barañaingo Udalak berezko deialdi ezberdin bat duelako jarduera soziokulturalen antolaketarako. Era berean, egoitzak erabiltzeagatik sortutako gastuak ez dira diruz lagunduko.

Laguntzen helburu nagusiak hauek dira: batetik, kultura ekintza areagotzea herriko jai ekitaldietan (herriko festak eta bereziki interesgarriak jotzen diren data zehatzak, Errege-kabalgata eta Olentzeroarekin zerikusia dutenak ere barne); eta, bestetik, entitate soziokulturalek egindako jarduerak zabaltzen laguntzea herrian bertan.

Jarduerak ezin izanen dute Barañaingo Udaleko beste arlo eta programen finantzaziorik jaso, ez eta beste edozein entitatekorik ere.

Jarduera guztiek 2012ko abenduaren 31 baino lehen eta Barañainen egitekoak behar dute izan.

### **2.- BALDINTZAK**

Deialdian parte hartzen ahalko dute irabazi asmorik ez duten erakunde eta elkarteek, Barañainen helbidea dutenak eta Udalaren interesekoak diren zerbitzuak eman edo jarduerak egiten dituztenak.

### **3.- ESKABIDEEN AURKEZPENA**

Eskabideak Barañaingo Herritarrak Hartzeko Bulegoan aurkeztuko dira –Kultura Arlora zuzendurik–, **2012ko martxoaren 23ko 14:00ak baino lehen**.

Eskabidearekin bat, honako agiriak aurkeztu beharko dira:

- Jardueraren arduradun den elkarte, entitate edo erakundearen oinarrizko datuak: legezko izena; kide kopurua eta hauen sexua; jarduera nagusia; helbide soziala; harremanetarako modua (telefonoa, faxa, posta elektronikoa) eta IFZaren fotokopia.
- Bankuko datuak: banku-entitatea, kalea eta herria, sukurtsala eta bankuko kontu zenbakia.
- Eskabidea aurkezten duen pertsonaren datuak: izen-abizenak, NAN, kargua, helbidea eta harremanetarako modua (telefonoa, faxa, posta elektronikoa).

- Eskabidea aurkezten duen pertsonaren adierazpen sinatua, zeinetan adierazten baita txostenean jasotako informazioa zehatza dela.
- Eginiko jardueren deskribapena, data, kide kopurua, etab.
- Gauzatu beharreko jardueren aurrekontua, kontzeptuak bereizita.
- Elkarateak dituen laguntza edo diru-laguntzen eta diru-sarrereren berri ematen duen adierazpen zehatza, eta, horrelakorik ezean, inongo laguntzarik jasotzen ez duela adierazten duen aitortpena. Halaber, lehenagotik laguntzarik eskatu baldin bada eta deialdi honetako eskabidea aurkeztutako momentuan oraindik erabaki gabe baldin bada, hori ere adierazi beharko du.

Agiriak originalak edo konpultsatutako fotokopiak izanen dira. Eskatzaileei 10 eguneko epea emanen zaie, gehienez ere, jakinarazpena jaso eta biharamunetik aitzina, aurkeztu gabeko agiriak aurkezteko edo egin diren akatsak zuzentzeko. Hala egiten ez bada, epe hori igaro ondoren eskaerari uko egin zaiola ulertuko da.

#### **4.- BALORAZIOA**

Kultura Arloko Informazio Batzordeak espedientea aztertuko du eta Tokiko Gobernu Batzarrari proposatuko dio onartu eta diru-laguntzak ordain ditzan, Kultura Arloko zerbitzu teknikoek emandako alde zuzentzarekin eta Udaleko Kontu-hartzailetzak alde zuzentzarekin fiskalizazioa egin ondoren.

Balorazioak honako alderdiak izanen ditu kontuan:

- 4.1. Aurkeztu diren jarduerak interesgarriak, kalitatezkoak, bideragarriak eta berritzaileak izatea. 40 puntu.
- 4.2. Elkarateak, entitateak edo erakundeak Barañainen duen inplikazioaren, parte-hartzearen eta ematen duen kultura laguntzaren balorazioa. 20 puntu.
- 4.3. Jardueraren kostu ekonomikoa.
- 4.4. Elkartekideen kopurua eta sexua, eta Barañaingo biztanleek entitatean duten parte-hartze partekidearen garrantzia. 10 puntu.
- 4.5. Ingurumenarekiko ohitura arduratsuak eta garapen iraunkorrekoak martxan jartzea eta benetako sexu-berdintasunerako ekintza positiboak bultzatzea. 10 puntu.

#### **5.- EMAKIDA**

Eskaerak diru-laguntzen zenbatekoa gaitzen badute, bertan behera gelditzen ahalko dira balorazioan punturik gutxien eskuratu dutenak, edo proportzionalki banatzen ahalko da diru-laguntzaren zenbatekoa eskaeren artean.

Udalak, halaber, deialdiko bi modalitateetan izena eman duten proiektuen kopurua aintzat harturik, dirua modalitate horien artean bereizketarik egin gabe banatzen ahalko du, lehenago aipatu diren irizpideei jarraiki beti ere.

Emandako diru-laguntza onetsitako aurrekontuaren portzentaje bat izanen da, eta aurrekontuaren %100era ere iristen ahalko da Kultura Arloan egoki jotzen badute.

Diru-laguntza eman eta gero, onartutzat joko da interesatuak horren berri hartu eta 10 eguneko epean espresuki uko egiten ez badio. Eskatzaileak Batzordearen aurrean ager daitezen eskatzen ahalko da, Batzordeak eskatutako edozein argibide eman dezaten.

Emandako zenbatekoa bi epetan ordainduko da (organo eskudunak zehaztutako kasu berezietan izan ezik): % 50a, emakida egin ondoren. Gainontzeko % 50a, jarduera egin eta 6. oinarria bete ondoren.

## **6.- BETEBEHARRAK**

Onuradunek nahitaez egin beharko dute proiektua onartutakoarekin bat (edukiak, egunak, osagaiak. e.a.).

Diru-laguntzaren onuradunek, diru-sarrera jaso aurretik, Barañaingo Udalarekin dituzten zerga-betebeharrak egunean dauzkatela egiaztatu beharko dute.

Horretaz gainera, nahitaez eman beharko dute diru-laguntza jaso duen jarduera egin bitartean izandako edozein gertakariren berri. Jardueraren zabalkuntzan (betiere Udalak berak egin ez badu) aipatu beharko da Barañaingo Udaleko Kultura Arloaren laguntza jaso duela; hartara, Udalaren eta Kultura Etxearen logotipoak azaldu beharko dira. Kultura Etxean eskatu beharko dira lopotipo horiek.

Jardueraren txostena, edukia eta zein modutan egin den, eta, halaber, balantze ekonomikoa (gastuak eta sarrerak), **2013ko urtarrilaren 25eko 14:00ak** baino lehen aurkeztu beharko dira, Barañaingo Herritarrak Hartzeko Bulegoan.

Deialdi honetako baldintzaren bat beteko ez balitz edota memoria aipatutako epeetan aurkeztuko ez balitz, diru-laguntza bertan behera utzi eta emandako zenbatekoa itzularaztea erabaki lezake organo eskudunak.

## **7.- EZ BETETZEA**

Deialdiak agiri honek bildutako baldintzei jarraituko die; agiriak ez bildutakoari dagokionez, ondoko arauetara jarraituko die: Nafarroako Tokiko Administrazioaren Foru Legea, Nafarroako Tokiko Ogasunen Foru Legea, Nafarroako Ogasun Publikoaren Foru Legea eta, osagarri gisa, Aurrekontuen gaineko Lege Orokorra, diru-laguntzak arautzen dituen estatu mailan.

## **8 - HELEGITEAK**

Oinarri hauen eta horiek betearazteko egintzen aurka ondoko errekurtsio hauetakoren bat paratzen ahalko da:

- 1.- Jakinarazi eta hurrengo hilabetea amaitu aurretik, eta nahiz gero, Birjarpeneko errekurtsioa, erabakia hartu duen udal-organoaren aurrean (30/1992 Legea, azaroaren 25ekoa, 4/1999 Legeak, urtarrilaren 13koak, aldatu zuena); birjarpenekoa aurkeztuz gero, ezin izango da ez gorako errekurtsioa ez administrazioarekiko auzi-errekurtsioa jarri, birjarpenekoa ebatzi edo ustez ezetsi arte. Birjarpenekoaren ebazpenaren aurka ezin izango da beste birjarpeneko errekurtsioa aurkeztu.
- 2.- Jakinarazi eta hilabete bat igaro aurretik, eta nahiz gero, Gorako errekurtsioa Nafarroako Auzitegi Administrazioaren aurrean (6/1990 Foru Legea, uztailearen 2koa). Gorakoa aurkeztuz gero, ezin izango da administrazioarekiko auzi-errekurtsioa jarri gorakoa espresuki ebatzi edo ustez ezetsi arte.

3.- Jakinarazi eta hurrengo egunetik hasita, hurrengo bi hilabeteak amaitu aurretik, Administrazioarekiko auzi-errekurtoa aipatu jurisdikzioaren organo eskudunaren aurrean (29/1998 Legea, uztailearen 13koa).